



無求齋列子集成

(四)

嚴靈峯編輯

藝文印書館行

冲虚至德真經義解卷之一



作士

宋徽宗皇帝著

天瑞物有生化道元古今惟體道者

容心焉故天瑞始言生  
化而終於國民之為盜

子列子居鄭國四十年人無識者國君御大

夫眎之猶衆庶也

古之善為士者微妙玄通深不可識

國不足將嫁於衛弟子曰先生往无反期弟

子敢有所謁先生將何以教先生不聞壺丘

子林之言乎子列子笑曰壺子何言哉雖然

夫子嘗語伯昏瞀人吾側聞之試以告汝  
道不可言言而非也則壺子何言哉不得  
已而有言故聞而告之

其言曰有生不生有化不化不生者能生生  
不化者能化化生者不能不生化者不能不

作十一

一

化故常生常化常生常化者无時不生无時  
不化陰陽爾四時爾不生者疑獨不化者往  
復其際不可終疑獨其道不可窮

生自无而適有化自有以之无有生有化  
者物也不生不化者道也物麗於數故生

者不能不生化者不能不化道行乎物故  
常生常化而无時不生无時不化獨立萬  
物之上故不生者疑獨汎應而不窮故不  
化者徃復徃復其際不可終蓋莫知其端  
倪也疑獨其道不可窮蓋不可測究也物  
无得而耦之者豈真知其所以然哉疑焉  
而已

黃帝書曰谷神不死是謂玄牝玄牝之門是  
謂天地之根綿綿若存用之不勤故生物者  
不生化物者不化自生自化自形自色自智

自力自消自息謂之生化形色智力消息者  
非也

陰陽之運四時之行萬物之理俄生而有  
忽化而无形實色彰智謀力作消息盈虛  
終則有始无動而不變无時而不移雖皆

道之所寓而運轉不止咸其自爾

作十一

二

子列子曰昔者聖人因陰陽以統天地夫有  
形者生於无形則天地安從生故曰有太易  
有太初有太始有太素太易者未見氣也太  
初者氣之始也太始者形之始也太素者質

之始也氣形質具而未相離故曰渾淪渾淪者言萬物相渾淪而未相離也視之不見聽之不聞循之不得故曰易也易无形埒易變而爲一一變而爲七七變而爲九九變者究也乃復變而爲一一者形變之始也清輕者上爲天濁重者下爲地冲和氣者爲人故天地含精萬物化生

陰陽者氣之大天地者形之大氣變而有形則有陰陽然後有天地而道者爲之公聖人者道之管此聖人所以因陰陽以統

天地也易有太極是生兩儀莊子所謂道  
在太極之先者是也故太易者未見氣也  
雜乎芒忽之間變而有氣故太初者氣之  
始也氣變而有形故太始者形之始也形  
辨而有質故太素者質之始也氣形質具  
而未相離則道之全體於是乎在故曰渾  
淪老子所謂有物混成者是也无所用其  
明故視之不見无所施其聰故聽之不聞  
无所致其力故循之不得此三者不可致  
詰故混而為一然既已謂之一矣且得无

作十二

三

其言乎此所以強名之曰易也易无形埒者无體也易況之陽則一之所起故變而爲一數起於一故變而爲七則屈而未申也七變而爲九則交而有變也數窮於九故復變而爲一一爲形變之始則天地人

皆得此以生故曰清輕者上爲天濁重者下爲地冲和氣者爲人精者一也一生二二生三三生萬物故天地含精萬物化生子列子曰天地无全功聖人无全能萬物无全用故天職生覆地職形載聖職教化物職

所宜然則天有所短地有所長聖有所否物有所通何則生覆者不能形載形載者不能教化教化者不能違所宜宜定者不出所位故天地之道非陰則陽聖人之教非仁則義萬物之宜非柔則剛此皆隨所宜而不能出所位者也

天位乎上地位乎下聖人者位乎天地之中凡以成變化而已變化代興萬物異宜天地之與聖人豈能違其所宜哉蓋聖人之於天地相辨則爲三極相通則爲三才

生覆者不能形載形載者不能教化教化者不能違所宜所宜定者不出所位此言職之有分也故以其所辨者言之若夫聖人之道上際於天下蟠於地化育萬物不可爲象則上下同流而无間安有長短之

作十一

相形通否之相異者哉

故有生者有生生者有形形者有聲者有聲聲者有色色者有味味者有味味者生之所生者死矣而生生者未嘗終形之所形者實矣而形形者未嘗有聲之所聲

者聞矣而聲聲者未嘗發色之所色者彰矣而色色者未嘗顯味之所味者嘗矣而味味者未嘗至皆无爲之職也

生形聲色味皆物之化故隱斯顯往斯返生生者形形者聲聲者色色者味味者皆道之妙孰原其所始孰要其所終道常无爲而无不爲謂是故也

能陰能陽能柔能剛能短能長能圓能方能生能死能暑能涼能浮能沉能宮能商能出能沒能玄能黃能甘能苦能羶能香无知也

无能也而无不知也而无不能也

有所知有所能在道一偏非全之盡之者也而无知而无不能而无不能則无不該也无不徧也何所不能哉陰陽氣也柔剛材也短長形也圓方器也生死數也暑涼時也浮沉勢也宮商聲也出沒迹也玄黃色也甘苦味也羶香臭也變化所爲皆在是矣古之人其備乎六通四闢小大精粗其運无乎不在焉往而不暇

子列子適衛食於道從者見百歲髑髏攫蓬

而指顧謂弟子百豐曰唯子與彼知而未嘗  
生未嘗死也此過養乎此過歡乎種有幾若  
蠅爲鶉得水爲鱈得水土之際則爲蠅蟻之  
衣生於陵屯則爲陵舄陵舄得鬱栖則爲烏  
足烏足之根爲蟻螯其葉爲胡蝶胡蝶胥也  
化而爲蟲生竈下其狀若脫其名曰駒掇駒  
掇千日化而爲鳥其名曰乾餘骨乾餘骨之  
沫爲斯彌斯彌爲食醯頤輅食醯頤輅生乎  
食醯黃輅食醯黃輅生乎九猷九猷生乎簪  
芮督芮生乎腐蠶羊肝化爲地皐馬血之爲

轉燐也人血之爲野火也鷄之爲鷓鷃之爲  
布穀布穀久復爲鷄也鷺之爲蛤也田鼠之  
爲鶉也朽瓜之爲魚也老韭之爲莧也老榆  
之爲獲也魚卵之爲蟲蠶爰之獸自孕而生  
曰類河澤之鳥視而生曰鷓純雌其名大腰  
純雄其名穉蜂思士不妻而感思女不夫而  
孕后稷生乎巨跡伊尹生乎空桑厥昭生乎  
濕醜雞生乎酒羊奚比乎不苟久竹生青寧  
青寧生程程生馬馬生人人久入於機萬物  
皆出於機皆入於機

易曰原始反終故知死生之說蓋有生者必有死而死於是者未必不生於彼通乎此則唯予與彼知而未嘗生未嘗死也方生方死方死方生則養形而悅生今之所存乃昔之所過者爾故曰此過養乎此過作十一歡乎萬物以不同形相代則死生之變六不可勝計也故曰種有幾如下文所云乃耳目之所及者耳若蠅爲鶉者蓋言萬物之化无川陸之間也鼈也蠅蟻之衣陵鳥也一種也或得水土而生於下或得陵屯而

生於上蓋言萬物之化隨形氣之所遇也  
陵鳥得鬱栖而爲鳥足則假異物以爲體  
鳥足之根爲蟻螯其葉爲胡蝶則散同體  
以爲物胡蝶胥也化而爲蟲生於竈下其  
狀若脫其名爲駒掇則衆飛者有化而爲  
蟬動者矣駒掇千日化而爲鳥其名曰乾  
餘骨則穴處者有化而爲林棲者矣或因  
形而移易則斯彌而爲頤輅原黃軹之生  
乎腐蠶與夫地臯轉燐野火之類是也或  
因性而反復則鷄之爲鷓鷃之爲布穀布